

L'inizio 'e ll'anne uttanta, 'o boom d''a robba 'int'ê fiale
Na Delta dint'ô viale, riflette ch''e spurtielle, unnece piane
Mmano ê principiante curtielle, brave guagliune c''o bazooka
Nun bazzeca nisciuno, nun pavano e cunsumano
'Int'ê cazune 'e volte d'Alessandro Volta ammappuciato
Chi s'è risolto riciata, je m'arricordo
Ufficiale ciaccate a pentule 'a dint'ê finestre
Simbule 'e protesta pe impedi l'arresto
Te 'mparo chesto, statte zitto, pulizzate 'a Stan Smith
'E vande le vevano paste 'e mandorle, vengeno lastre 'e marmo
Accatte n'attico, 'int'a n'attimo smontano 'e manchine 'int'ê boxe
Fottano 'e tattiche d''e NOCS
'E notte 'o Scarab fa cinquanta node
'O scafo d''e carramba s''a fa a nuoto
Affuoghe si t'avuote, 'o fuoco d''o bidone 'a scarfa
Scatule 'e bionde adoppo 'o terremoto
Vote 'e scagno, 'e scippe sott''e cabine d''a SIP

Si putesse retrocedere, pulezzasse a chi è innocente
'A fedina 'a l'ingiustizie e l'indecenza 'e duje decenne
Si putesse retrocedere, pulezzasse a chi è innocente
'A fedina 'a l'ingiustizie e l'indecenza 'e duje decenne

Comme cricevamo, 'e boss s'asettavano a Sanremo
A ffianco agli onorevole, e po raccuntavano e nuje sentevamo
'E killer 'int'ê Moncler, 'e kilometre 'int'ê Nike Silver
'E primme vase e po 'a paura 'e ll'euro
E na nazione intera annanze 'e nutizie
Doje bombe fanno fore 'a giustizia
Cortei e blitz, era sulo l'inizio
D''o sfizio 'e fa' 'e reate, l'edilizia popolare
Berlino s'auniva, pe nuje è storia luntana
'E cane ch''e cullare borchiate, 'o rione è nu teatro
E l'atture so' animale 'mpazzute
Ch''e tute 'e l'Umbro 'ncuollo
'E fare luonghe, cirche d'oro appise ê recchie
Je me perdevo 'int'ê circhiune argento d''e Serie 3
Cresciuto addò 'a galera è n'obbiettivo
E gli obbiettori so' cchiù ppoche d''e pentite
'E vergogne d''e partite
L'Iraq, città mercato, fernesce l'Apartheid
Ma ccà Mary è pe sempe na puttana

Co'Sang, Poesia Cruda, simmo turnate

Si putesse retrocedere, pulezzasse a chi è innocente
'A fedina 'a l'ingiustizie e l'indecenza 'e duje decenne
Si putesse retrocedere, pulezzasse a chi è innocente
'A fedina 'a l'ingiustizie e l'indecenza 'e duje decenne